



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Tractatio Synoptica De Ivdiciis Ad Lib: II. Decretal:
Gregorii IX.**

**Herberstein, Ferdinand von
Tabarelli de Fatis, Donato Vincenzo**

Spirens., 1660

17.

urn:nbn:de:hbz:466:1-11416

cum interrogatur à Judice, titubatione,
 trepidatione aut turbatione? Respondeo
 solam variationem & incōstantiam in re-
 spondendo ad interrogata non sufficere
 ad torturam ex probabiliōrī DD. senten-
 tia. Idemq; esse de titubatiōe, turbatione,
 aut cordis trepidatione tenet Clar. *supra n.*
 39. quia multi adeò sunt natura timidi, ut
 statim ad præsentiam Judicis turbari sole-
 ntū, & nesciant quid dicant, cùm tamen
 sint innocentes. Num res furto sublatæ
 & repertæ penes aliquem, sint indicium
 sufficiens ad torturam, nisi doceat à quo
 accepit? Sic est teste Clar. *ex comm. sup.*
 Dico it. num. 41. Intellige tamen, quando is,
 apud quem res furtiva deprehenditur,
 non est bonæ conditionis aut famæ. Item
 non procedit, si res furtiva reperiatur a-
 pud aliquem, qui huiusmodi res mobiles
 solitus esset emere & vendere. ita Clar.

17. Præcipuum, quod in hac materia
 attendis solet, est ordo procedendi circa
 torturam reorum, hoc ergo ne præterea-
 mus, A S S E R I M U S incumbere Judici i.
 ut constet de delicto, priusquam Reum
 torturæ subiiciat. 2. an delictum tale sit,

pro quo reus jure torquendus sit. Nam
 non est ad torturam procedendum, nisi
 in criminibus, quibus poena capitalis ex
 jure debetur. 3. Judex advertat, an deli-
 ctum aliter, quam per torturam probari
 possit. Non enim regulariter ad torturam
 devenitur, nisi quando aliæ probationes
 deficiunt; & ideo facilius Judex potest
 procedere ad torturam in delictis clam
 commissis, quam in his, quæ palam com-
 missa sunt. quia illa priora difficultius pro-
 bari possunt, ut est maleficium, sodomia,
 adulterium &c. Item aliquando Judices
 torturā adhibent, delicto jam plenè pro-
 bato etiam per testes de visu, non quidem
 ut amplius de delicto constet, sed solum
 ut reus delictum fateatur, de quo con-
 vincitur, ne per appellationem sententia
 contra eum pronuntiata suspendatur. Id
 quod licet non sit ex jure, communiter ta-
 men esse receptum afferit Clar. q. 64. num.
 6. & probatur ex L. edictum ff. de quaſt. 4.
 obſervet Judex non ſolum requiri indici-
 a ſufficientia ad torturam, ſed etiam opus
 eſſe, ut illa indicia ſint legitime probata,
 juxta dicta num: 13. Deniq; dispiciat per-
 ſonas

sonas, quæ jure torqueri non possunt:
 quales censentur minores annis 14. Se-
 nes in decrepita ætate constituti, Mulie-
 res prægnantes vel lactantes, quæ id ha-
 bent privilegio debilitatis, Viri illustres,
 Doctores eorumq; liberi, vel in digni-
 tate constituti, Duces militum, Nobiles,
 Decuriones Civitatum, nisi consuetudo
 aliud ferat: Clerici, nisi infames, quo-
 rum ideo in tormentis confessio est irrita,
 et si eam postridiè ratificant. Excipe cri-
 men læsa Majestatis, hæreseos vel prodi-
 tionis Civitatis, ob quæ torqueri possunt
 si, qui aliundè, quam ratione debilitatis
 eximuntur, ut ex variis testib⁹ probat Leß.
 cap. 29. dub: 17. Reus tamen torturæ sub-
 jectus, si nihil fateatur, dicitur tunc pur-
 gasse indicia contra se existentia. Item si in
 tormentis delictum fateatur, non potest
 ex eo condemnari, nisi eam confessio-
 nem extra tormenta, & metum tormen-
 torum ratam habeat post tempus aliquod
 clapsum, nempe diem unum, aut saltem
 post aliquot diei horas, iisque ratificatis
 Judex debet ei constituere terminum
 brevem v. g. duorum aut trium dierum

ad allegandas omnes suas defensiones. Quod si delicta in tormentis confessi postea revocet, licet iterum torqueri possit, non tamen torquendus est in infinitum, quamvis ad tertiam usque torturam torqueri possit, in qua si confiteatur, & postea neget, non videtur condemnandus teste Claro q. 21. num: 25. Idemq; est, si semel tortus sufficienter fuisset, ita ut prima illa tortura censeretur tribus & quivalens, non posset amplius torqueri, nisi nova iterum indicia superveniant. Clar: q. 64. quia per torturam toleratam priora indicia infirmata sunt, per L. unius. ff. de quæst.

TITULUS II.

DE SECUNDO MODO PROCE-
dendi in Iudicio criminali per
accusationem.

C A S U S.

Sophocles, Tragocdiarum Scriptor excellentissimus, cum propter nimium studium, rem familiarem negligere videretur; a filiis in judicium voca-